



Universitätsbibliothek Paderborn

Instructio practica ...

Continens Armamentarium Seu Panoplima Spiritualem - Id est, Varia arma
& media ad omnis generis tentationes fortiter sustinendas, & feliciter
superandas, Ad Omnium Quidem Animarum

Lohner, Tobias

Dilingæ, 1688

Tent. II. De gravitate Tentationis.

[urn:nbn:de:hbz:466:1-48377](#)

vides, conflictorque vehementer, sentio tamen, hoc lucri mihi accedere, quod sapius ad DEUM per Orationem, mortificationemque recurram. Quare DEUM potius oro, ut mihi patientiam & constantiam largiatur, ut incruentam ex hac tentatione victoriā reportem. Recreatus hoc responso senex, nunc demum cognosco, inquit, Fili mi, quantas in via virtutis progressiones feceris; nam dum quis infesto cuiusdam viro strenue it obviam, manet humilis, sollicitus, anxius, & his angustijs, laboribusque sensim ad consummatam animi puritatem pertingit.

TENTATIO II.

De gravitate Tentationis.

VII. **P**hilothaea fatetur Confessatio, se varijs quidem temptationibus ex permissione DEI vexari, sed eas non difficulter superare se posse; unam tamen, quam ad blasphemias incitatur, intolerabilem & insuperabilem sibi videri, ac per eandem ad desperationem propè adduci. Quæritur, quomodo contra hanc temptationem munienda sit?

Responso.

VIII. Primò ei in memoriam revocet saluberrimum S. Pauli 1. Cor. 10. Tentatio vos non apprehendat nisi humana; fidelis autem est DEVS, qui non patitur vos tentari supra id, quod potestis, sed faciet etiam cum temptatione proventum. Quod ipsum etiam confirmans S. Augustinus in Ps. 61. Noli, inquit, timere, permisum facere aliquid Tentatorem; habes enim misericordissimum Salvatorem. Tantum permittitur ille tentare, quantum tibi prodest, ut exercearis, ut proberis, ut, qui

qui te nesciebas, à te ipso inveniaris. Certè ex defēctu hujus fiduciæ non modicum tentationes incrementum sumere, jam pridein advertit Thomas Kemp. l. 1. c. 13. dicens: *Initium omnium malarum tentationum inconstantia animi, & parva ad DEV M confidantia.*

IX. Secundò ostendat, hoc ipsum esse signum, quod DEUS ipsum magni faciat, & in virtute ac perfectione profecisse censeat; id quod jam olim Ethnicius Philosophus Seneca advertit l. 1. de prov. c. 4. dicens: *Calamitas (& tentatio) virtutis occasio est. Dux leclissimos mittit, qui nocturnis Hostes aggrediantur insidijs. Nemo eorum, qui exeunt, dicit: Malè de me Imperator meruit, sed bene judicavit.* Hoc certè generosè ac DEV M amantis animæ officium est, inquit S. Chrysostomus in doctrin. Apost. *Habentes autem eundem Spiritum adversitates & afflictiones ferre. Ceterū generosè tolerare tentationes atque insuper ei gratias agere, qui se tentari permittit, id demum summa fortitudinis merito videri potest, animaq; vigilantis, & quaæ omnibus humanis affectibus sit superior.* Quod ipsum etiam ho. 32. in Gen. Confirmans, quia DEV S noster liberalis est, inquit, & salutis nostracuram gerit, ea de causa quasi luctam & exercendo materiam nobis proponit, ut si, quod nostrum est, declaremus, largiore dignetur nos curâ. *Quod cùm simus ne tristemur in temptationibus, sed gaudemus cum Paulo dicente: Nunc autem gaudeo in afflictionibus, si autem in afflictionibus gaudebat, quomodo unquam portuit in tristitia esse?*

X. Tertiò ostendat, quantò major est hostis, & pugna difficilior, tanto majoris coronæ, gloriæ, & laudis

laudis apud DEUM & Cælites obtainendæ occasio-
nem illi offerri ; uti rectè S. Bernardus c. 19. de do-
mo inter. advertit dicens : *Molesta est lucta, sed fru-
ctuosa, quia, si habet pœnam, habebit & coronam :*
*non nocet sensus, ubi non est consensus : imò quòd resi-
stentem fatigat, vincentem coronat.* id quod cœlitus
etiam cuidam Seni ostensum est, uti in Vitis PP. I. 9.
legitur, cùm enim adeò gravi tentatione carnis stimu-
laretur, ut de victoria desperans, ad sæculum redire
statueret, hanc de cœlo vocem audiērit : *Tentatio-
nes, quas novem annis sustinuisti, corona tue erunt :*
*revertere ergo in locum tuum, & sublevabo te à cogita-
tionibus tuis.*

XI. Quartò ostendat illi , quanta gloria & laus
Davidi obvenerit ex eo, quòd, cùm tam parvus ipse
esset, Goliathum tamen Gigantem intrepidè invase-
rit, & felicitet vicerit; non minorem autem ipsi etiā
obventuram , si temptationem suam gravem, quæ ipsi
velut Gigas insuperabilis appareret, audacter fuerit ag-
gressus , eique fortiter restituit. Hic nempe verifi-
catum iri, quod DEUS Apoc. 2. promisit dicens : *Vin-
centi dabo manna absconditum, & dabo illi calculum
candidum, & in calculo nomen novum scriptum, quod
nemo scit, nisi qui accipit.* Quidni ergo dicat cum
Machabæis Josepho & Azario. I. Mach. 5. *Faciamus
& ipsi nobis nomen, & eamus pugnare adversus Gen-
tes, quæ in circuitu nostro sunt.* Ne verò terreatur
magnitudine temptationis proderit narrati illi, quod de
Adolescente quopiam similem temptationem habente
narratur, qui, cùm impossibilem sibi illius viatoriam
esse persuaderet, terribilis ei Gigas apparuit, quem
cùm fugere veller, ab Angelo adstante eundem po-
tiūs

tiūs aggredi jussus, mox, ubi eum invasit, secundante Angelo feliciter superavit; ex quo viso didicit, non difficultem sibi fore victoriam contra tentationem, si alacri animo eidem resisteret.

TENTATIO IV.

De multitudine Tentationum.

XII. **A**chatius Novitus conqueritur suo Directori & Magistro, se tam crebras, & varias tentationes pati, ut vix respire, & ordinatijs suis occupationibus vacare liceat, atque adeò vocationem suam ob tantam temptationum multitudinem non modice periclitari. Quæritur, quomodo juvandus, & armandus sit?

Responso.

XIII. Primo eidem narrat, quid Eliseus Puer suo, quando civitatem Exercitu circumdatam nuntiavit, & clamavit: Heu, heu, heu, Domine mi, quid faciamus? responderit dicens: *Noli timere, plures enim nobiscum sunt, quam cum illis:* id quod Puer reipla vidit, quando DEUS ad preces Elisei oculos illi aperuit. Id ipsum ergo sibi quoque fieri credat, uti in simili casu Moyses Abbas Isidorus Monacho ostendit, cum enim hic ob temptationum multitudinem fugam ex Monasterio meditaretur, Moyses ab initio quidem ex parte Occidentis eum per fenestram prospicere, & ingentem dæmonum multitudinem vide-re jussit, sed mox ad partem orientalem ducto majori SS. Angelorum ad auxiliandum ipsi patatorum copiam monstravit, & eadem Elisei verba repetit: *Noli timere, plures tecum sunt, quam contra te.*

XIV.